

食出玉門迎軍吏卒起張掖不甚遠然尙廝留甚衆師古

曰廝留言其前後離廝不相逮及也廝音斯曩者朕之不明以軍候弘上書

言匈奴縛馬前後足置城下馳言秦人我匈奴若馬師古曰謂

中國人為秦人習故言也又漢使者久留不還故興師

遣貳師將軍師古曰興軍而遣之欲以為使者威重也古者卿大

夫與謀師古曰與讀曰豫參以著龜不吉不行師古曰謂共卿大夫謀事尙不

專決猶雜問著龜也廼者以縛馬書徧視丞相御史二千石諸大

夫郎為文學者師古曰視讀曰示為文學謂學經書之人廼至郡屬國都尉

成忠趙破奴等皆以虜自縛其馬不祥甚哉或以為欲

以見疆師古曰見顯示○宋祁曰別本欲字夫不足者

乾隆四年校刊